



Marëna dia jënt atëmpada: l' Cunsei de Cüra invieia düc i berbesc y les mëdes en dumënia, ai 09.12.2012, do messa grana a jì te Ciasa dles Uniuns olache al sarà dales 12:00 la "**tradizionala marëna dan Nadè**". Dales 14:00 gnaràl fat na picera "*Devoziun de Advënt*" a chëla che düta la Comunité é inviada.



S.Micurà: i jogh de Badia organisëia indò ai 05.12. y ai 06.12.2012 dales 17:00 inant la festa de S.Micurà. Les families che ess gian la vijita de S.Micurà te cïasa po se prenotè pro Pasquale (0471/839731 o 333/2341546).

Oferta por la Caritas: en dumënia dla Caritas èl gnü trat ite la bela soma de 1.235,07 Euro. Dër bel giulan y Dî s'al paies.



En vëndres, ai 07.12.2012 complessc **Erna Masiero Nagler** da Pedraces **86** agn. L' Senioreclub y düta la Comunitè ti aoda düt l' bun, sanité y benedisciun de Dî.

L'Raiun Sozial Val Badia: invieia dütes les porsones, che ciara do a cïasa sù familiars, a tó pert a na picera *festa da Nadè*, en mertesc ai 04.12.2012 dales 15:00 tl Raiun Sozial a Picolin.

Marcé da Nadè tl salf protezioné dla Spona a Pidrò en chësta dumënia, ai 02.12.2012 dales 10:00 ales 17:00.


Les Èles dala troht é inviades a gnì en mertesc, ai 04.12.2012 dales 14:00 sö dala Rosa d'Alfarei a na picera festa da Nadè

VANGELE dla dumënia che vëgn – 2° d'Advënt

Lüca 3, 1-6

Al è le chinejimo ann dl govern dl imparadù Tiberius; Pontius Pilatus è governadù dla Iudea, Eròdes tetrarch dla Galilea, so fre Filipus tetrarch dla Iturea y de Traconitis y Lisània tetrarch de Abilène; gragn proi è Hànnas y Càifas. Dailò ti é jüda la cherdada de Dî a Jan, al fi de Zacaria, che viò tl desert.

Y al è rodè suradöt le raiun incër le lórdann y incundà dailò n bato de converjiun por le pordonn di picia. Insciö s'ademplì ci ch'al sta scrit tl liber dles pordiches de Isaia: Na usc scraia tl desert: Arjignedi ca le tru al Signur! Avaliedi fora les strades! Vigni fossè dess gnì implì sö y vigni crëp y col dess gnì arbassè. Ci che é stort dess gnì rodunt, ci che é desvali dess gnì valì. Y döta la jënt odarà la salvëza che vëgn da Dî.



Usc dla Cüra

BADIA

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 01

Edema: 02.12. - 09.12.2012

A

D

V

È

N

T



Dal Vangele dl' Imacolada
Luc. 1, 26-35

L'agno é jü ite da d'ëra y à dit: Ave, tò plëna de grazia, le Signur é cun tè. Ara s' à spordü da gnì baiada ados insciö y ara ponsà do, ci che chësc salüt dô signifi-ché. Ailò ti à l'agno dit: No te temëi, Maria; deache t'as ciafè grazia pro Idî.

Te ciafaras y metaras al monn n môt: a d'ël desste ti mëte inom Gejù. Al sarà gran y gnarà nominé Fi dl Altiscim. Dî, le Signur, ti darà le tronon de so pere Davide. Al regnarà sura la cïasa de Iàcob por dagnora y süa regnanza n'arà degöna fin.

Maria ti à dit al agno: Cò dess pa chësc sozede, deach'i ne conësci degun èl? L'agno ti à respognü: Le Spirit Sant gnarà sön tè y la forza dl Altiscim destenarà süa ambria sura tè. Chël che nasciarà sarà porchël sant y gnarà nominé Fi de Dî.

FUNZIUNS SACRES

02.12. I. DUMËNIA de ADVËNT / Ann C

10.00 Mëssa por la Comunità (*fešta di ministranc*)

19.30 RORATE por l' Cunsèi de Cùra

†ta Marianna Vittur - aniversar

†to Pire Valentini / †ta Nicole Vittur y por sùa familia



03.12. Lùnesc - S.Franz Xaver

19.30 RORATE por i operadus ti turism

†to Carlo Dapunt / †ta Carmela Thaler

†ti Tarina y Sepl Piccolruaz

04.12. Mertesc - S.ta Berbora

07.25 Les Laudes

05.12. Mercui

07.25 Liturgia de Advënt por i scolars cun geniturs

19.30 RORATE por l'KVW y familiars

†to Agostino Pescoll - aniversar

†to Paul Valentini da S.Linert

†ti Angela y Milio Craffonara

06.12. Jöbia - S.Micurà

07.25 Les Laudes

07.12. Vëndres - Prüm vëndres dl mèis

19.30 RORATE por la Mùjiga de Badia

ad intenz. de S.Ujöp da Oies por vocaziuns
por families en dificolté

†to Milio Valentini de Col d'Anvi - aniversar

08.12. Sabeda - SANTA MARIA IMACOLADA

10.00 Mëssa solena ciantada en onur de S.Maria

19.30 RORATE por la Uniun di Pairs y familiars

†to Guido Pizzinini - aniversar

†ta Lina Alfarei / †ta Rosina Declara Pizzinini

09.12. II. DUMËNIA de ADVËNT / Ann C

10.00 Mëssa por la Comunità

19.30 RORATE por l'Aministrasiun de Comun

†to Franz Irsara (dala uniun di Èi)

†ti de Paola Frena / †to siur H.Videsott



Dala VITA dla CÙRA

Ann dla Fede - tratan l'Advënt

"L'appetito vien mangiando" - la fede crësc cun la vire.

Porchèl prèi iö düttes les families da vire la fede propi tratan l'tèmp de Advënt, inçe ma cun de piceres cosses.

Vigni dé orunse mèt n sègn de fede:

jì ai Rorate o dì na oraziun pro mèsa o da sèra (cun la ciandèra dla dumènia o cun la gherlanda d' Advënt impiada) o cun lì la **Bibia** (o n liber religios) o coltivé n simbol y ritus de nosta fede o fà na bona opera.

Siur Degan

Lasciun bel sègn alsavèi che tignun chëstes festes:

Crejima, Lùnesc de Pasca, al 01.04.2013 dales 10:00

Prùma S.Comuniun, dumènia ai 21.04.2013 dales 10:00

Crejimané: dúc i mituns che jarà d'aisciüda ala Crejima é invià a gnì en vëndres, ai 07.12.2012 dales 14:30 te Ciasa J.B. Runcher.



En chësta 1.Dumènia de Advënt sonarà dales 19:00 les ciampanes a invié dúc ala "**Oraziun de Advënt te familia**".

"Jungfrauenweihe": en la solenité dl'Imacolada, ai 08.12.2012 ciafarà la jona Renate Valentini da La Ila da nosc Vësc Ivo Muser la Consacraziun dla Viria/Jungfrauenweihe tratan na santa Mëssa dales 15:00 te dlìja a Oies.

L'Esposiziun "Vire la Bibia" ti Istitut Micurà de Rù a S.Martin sarà daverta ciamá chësta dumènia, ai 02.12.2012 dales 09:00 ales 12:00 y en mertesc y jöbia dales 16:00 ales 19:00. L'entrada é de 3,00 Euro y chësc é l'program de cornisc:

Lùnesc, 03.12. dales 20:00 Diashow sura la Tera Santa

Mercui, 05.12. dales 20:00 Referat: "*É nosta religiun la dërta?*"

Oferta de Advënt - "Adventopfer 2012" por la Diozeja: do chësta prèia l'Ufize de Aministrazion dla Diozeja por podèi finanzié les tröpes ativités. Giulan a chi che la mèt te cassèta a pé de dlìja.